

ISSN 0134—4358

ОНЧЫКО

1 · 1985



МОРКО ВЕЛ ГЕРОЙ

О ч е р к

Тушманин пулеметшо дээт гыч тулым пурга, кажне гаяк пуля колымашым конда. Вачий ик дэотыш, весын гранатым кудалта. Туран кышкаш тудо изинек тунемын. Изи Корамас уремыште йоча годым я городки, я корак панта дene модмо годым сенъыш эре тудо лектын. Кызытат тушманин тулжым күштылгын темдале.

— Ура-а! — йырваш шергылте, йолташиже-влак атакыш кынель-ыч, но кенета тораштат оғыл утыч та-та-та шергылте. Тиде чоян шылтыме эше ик дээт гыч мемнан салтак-влакым лўйылтыт. «Эх, граната пытен!» — шоналтыш Вачий да кидым шаралтен кынеле, дээт веке пеш писын куржо.

Мынгар йолтошкалтыш тудым колымаш деч ойырен? Нылле? Кумло? Але шагалрак? Мо нерген тудо тунам шонен? Юрий эргижым, Найок пелашыжым да ача-аважым шарналтен? Але уло ильш корныжым уш-акылже волгенче семын кенета авалтен? Ильшыште пытартыш йолтошкалтышым ыштыме годым эн шергакан шонымаш ушыш төлөш доскан.

Нунын кредалме Калининский фронтыштак февраль мучаште рядовой Александр Матросов онжо дene амбраузурым петырен. Тиде Чернушки ялым тушман деч утарыме годым лиийн. Тунам Вачий тиде вер деч тораште оғыл фашист-влакым кырен, бой деч вара агитатор семын Александр Матросовын подвигше нерген йолташиж-влаклай каласкален. Шонен мо тунам: шым тылзе гыч Духовщина ола верч кредалме годым тыгаяк подвигым тудланат ышташ логалеш? Вачий иктым раш пален: шочмо эл верч шке ильшым puаш тудо Александр Матросов семынак эре ямде лиийн: колымаш деч лўдын оғыл, но ильшымат моткоч чот аклен моштен. Моло семынак тудат Сенгымаш кечим вучен, моло семынак шочмо кундемыш пörtылаш шонен.

Курымашлык подвигше деч икменин кече ончыч Василий Иванович Соловьев большевик партий радамыш пурен. Партию заседаниште автобиографийм каласкалаш йодыныт. Тудо ильш корныжым анкетысе семын пеш күчкын ойлен. Тунам Вачий улыжат коло кандаш ияш лиийн, но шкеж нерген моткоч шужо жаласкален кертеш ыле. Мутат уке, тыгодым салтакын ушешыже шочмо Изи Корамасше шарналтде кодын оғыл...

— Эхе-хе-э! Поктен шуз! — Изи Корамас ял уремым чарга йўк шергылтара.

Ен-влак икте почеш весе, окнам почын, шырчык игыла ончалыт да вуйым рўзат.

— Кунам-гынат, имне ўмбач камвозын, шўйжым кўрлеш,—ойла Чопи кутыза, трупкам луктын, тамакым опта.—Күшкыт ала-могай сўмсыр-влак. Имнё пукшаш каят, урем тич пуракым нўлтат.

Теве Вачий кудалеш. Тудым ужын, Чопи йўким эше кутемда:

— Имнет шўртнен камвозеш вет!

— Камвозеш гын, шке кынелеш, тый от нўлтё, — тудыжо ёрын окшого, чолган вашешта.

— У-уй, йылмет мотай пўсö!

Йоча-влак икте почеш весе, имным күшкыж, куклем вельш ку-

далыт. Чылан Йыван Вачийым поктен шуаш тыршат. А тудыжо имне түпышто мом гына оқ ыштыл: кынел шогалеш, возеш, савырнен шинчеш да молым таратен кычкыра:

— Писынрак, писынрак! Ужыда, мыйын алашам кайыкла чонгешта! Эхе-хей! — кидым кок могырыш шараптен рвезе, чынак, кайыкла веле коеш.

...Вачий төпката капан рвезе. Чуякарак чурийже, вияш нерже, күйгырак түрвыжё ала-жом, пешак палыме еңгым, ушештара. Тыгай түсән рвездым ик гана ужат да нигунам от мондо.

Рвезе нужна ешеш шочын. Ачаже, Чимок Йыван, ўмыржö мучко орланен илен, неле пашаш изинекаң тазалыкше лунчырген. Сандене чыла ўшан эргылан веле улмаш. Кок ўдыржым тудо шотыш налын оғыл. А эргыжым шкеж гай мут колыштым күштеш тиршен. Но Вачий ўмбак Чопи күгиза чүчкүйдүн вуйым шийын. Тудо ондак шкенжым ялыште эн пагалыме еңлан шотлен. Чопи деке канташ йодаш, киндым күсүлаш уло ял гаяк коштын. Октябрь революций деч вара гына изиц лыпланашы же пернен. Семинже садак пүйым пурин коштын: тиде оқ сите, тудо оқ ёйро, артельным шонен луктыныт..

Түрлым вискален-терген, Чопи күгиза калка ончыл олымбалне шинча, Йыван Вачийым ужмыжо оқ шу гынат, чонжо дене тудлан көрана. Изи Корамас ялысе йоча-влак тудын йыр пёрдит веле. Но дене тиде соптыри рвезе нуным савырен кертын.

Поян Чопин ильшишты же тыгай пагыт лийин оғыл. Йочаж годым ачаже «рожын мүшкыр-влак» дене модаш чарен, кугурак лиймекше, шкат нуным чытен кертын оғыл. Такшэ ачажын кодымо поянлык икмагал чапым кондымыла чычин, но Совет власть шупишин налын. Кугурак-влак коклаште тудым пагалышын койшо ең эше ятыр уло, а төве самырык-влакым Вачий эре алташтарен шога. Чылт изи ньюга лиийт гын, шүвалын веле шындыман ыле да... Ниништ жок-кум ийгыч күшкүн шуытыс. Тунамже мөгай лиийт?

Чопи күгиза Вачийым калык ончылнат мыскылаш төчен. «Тыге шотеш кондем гын, чылан тудын деч кораңаш түңгалият», — шонен. Икана Ильян кече годым ала-жом тудын пакчашкыже пурен улмаш. Шонго уло шырдыжым Вачий ўмбак күдәлтен, калык ончылно «вор улат» манын игылтын. Рвезе ондак шымт колышт шоген, вара пентидын пелештеп:

— Титакдыме ең ўмбак лавырам күшкаш тый мастар улат. Но мый шонго дене ўчашымаш уке.

Чопи күгиза тыгай вашмутым вучен оғыл. Вачий сырымыж дене шүрдилаш түңгалиш, шонен. Тунам рвездым титаклашат күштүлгүрак лиеш. Но чылажат мөңгешла лектин. Ушан рвезе ең ончылно шкенжым кучен кертын. Тунам калык кокла гыч ятырын Вачийым арадаш пижыныт:

— Вор манаш тый тудым күчкүйч мө?

— Тугакат пале!

— Алә, пакчашкет пурен манын, сантгашы же возымо? Йочам мыскылаш вожылам ыле!..

— А те коклаш ида пуро! — Чопи күгиза эше шуко юйлынеже, да уло калыкым шке ваштарешы же шогалтыме деч шеклана, витнө. Шып-лие.

Тылеч вара поян күгиза Вачийым утыр ужмышудымо лиийин, ушых дене түрлө семин шудалын.

Икана Вачий Опай йолташыж дене Чопи күгизан пört воктекше лишемын.

— Тиде суртыш мый ом пуро, — Опай имныла чыгынен шогалын.

— Молан?

— Поян дене мутланен, шотым от му. Тудо еңгым игылташ веле ванен коштеш. Мый... — Опай ак-мук лиийин шогалын.

— Иылмет нельыч мо? — ала-кушеч йышт толын лекше Чопи шыдын пелештен.

Вачийнат шүмжө лектын вочашла кыраш түңалын. А Чопи нүнүм тугак шүтөн йүшашла ончен. Таклан оғыл, очни, ту жапыште южо ача-ава-влак шке икшывыштым тиде еңын лүмжө дene лүдиктеныт: «Теве Чопи кутыза толеш да мешакыш пыштен наңгая», — маныныт. Кугурак-влак коклаште түрлымат күктештыныт. Ойленыт, пүйто тудын кочаже Озан корнышто улазе-влакым толен коштын, поянлыкым ең вүр дene ыштен..

Вачий, Чопи ўмбак тура ончалын, кагазым шуялтен.

— Арын черкым петыраш келшет гын, кидетым пыште, — манын.

— Мо-о? Эше ик гана каласе-ян! — Чопин йүкшө күдүрчыла сургалтын, шинчасортаже кутемын, онглашыже ончыко шуйналт лектын, нарынче пүйжө ир янлыкына шолткыкташ түңалын. — А-а, черкым петырыктынеда? Юмо деч кугу лийнеда?

Кагаз лаштык шыр-шор веле шоктен. Чопи, мушкындым кормыжтен, Вачий дәке чакемын, неле кидышм нөлталаын, Вачий шенгек ончалын — Опай уке.

— Ну-ка, тыят мёнтгышкет ошкыл, нолнер!

Рвезе лүдүн чакнен оғыл, вереш шудален шындымыла шоген. Тидыже Чопим моткоч ёрыктарен. Перет — кунтырген возеш, судыш логалаш лиеш, а мут деч оқ лүд, керемет!..

— Кай, манам!

— Мыйым Совет власть арала. Тудо тый дечет шүдö пачаш виян! — икшүве лүдде пелештен.

Чопи тарваныде шоген, пүйто ала-кө тудым юлен шогалтен. А Вачий, мый садак ом чакне манишила, күшкед пытарыме лаштык-влакым шогалтен да лишыл суртыш пурен. Тылеч вара йоча-влак тудын йыр өшөат чак чумыргенет.

— Кө лиеш тиде полмезе? — ялыште мутланеныт.

Тыгаяк йодышым Чимок Иыван ден Овдоch ватыже икте-весыштлан пүэденыт, но ниғо раsh вашештен кертын оғыл. Ача эргыжым туныкташ тыршен. Вачият школыш куанен коштын. Кенгеж каныш годым ачаж пелен плотник пашалан тунемын. Вүдварам, сурт көргө ўзгарамыштылаш пеш писын кид-йолжо воранен. Мотай пашалан пижын, чыла шот дene кельштарен.

Икана туныктышо, Вачийым да тудын йолташыже-влакым поген, ликбез нерген ойым луктын. Тудо жастенак йоча-влак пошкудыш вашкенет, кугурак-влакым лудаш-возаш туныктеныт. Южо ең, тидын нерген колын, игылт воштылын:

— Але марте ушым поген оғынал гын, йоча туныктым дene тораш от кай!

Поснак Чопи кутыза түрлым ойлыстын. Иктым мыскылен, весым койдарен, кумшылан ўшандараш төчен:

— Оксам шотлен моштет, сита. Книгам лудын, айдеме локтылалтеш веле.

Но йоча-влак туныктышо дene пырля шке пашаштым ыштенак ыштеныт. Тылзе еда Изи Корамас ялыште лудын-возен моштышо ең ешаралтын.

Жап эртен. Вачий күшкүн шогалын. Иытыра кап-кылым поген. Удир-влак чолга рвезе воктеш шыргыжалде эртен оғытыл, а Вачийын шүмшүштүжө икте гына лийин — школ техничкын Найож ўдиржө.

Олма гай тыртыш чуриян, лышташ гай вичкыж түрван, шымавуч гай вияш кап-кылан ўдыр Вачийын шүм-чонжым йүдшö-кечк же туржын. Йөратьмаш шижде толын. Тудо ойлен моштыдымо ныжыл шижмашым конден. Ушышто эре икте веле — шонымо ўдыр. Түжем пачаш тудын лүмжым шыман ойлен, тудын дene түрлө семын вуйын мутланен, а вашлиймеке, чеверген, ойлаш шомакым мұын оғыл. Лач пиам тул дene куанен йўлышшо шинчаже уло шонымашыжым түжкваке лук-

тын, чонжым почын. Вачий, Найокым вашлийын, ятыр гана мутланаш шонен, но эре амал лийын огыл. А икана...

Ямбашан олыкышто калык күткыла шолеш. Пысмен эңгер воктене Шүргял, Нуръял да Изи Корамас ял калык нöргö шудым солат. Ожно тиде лук верч ял ден ял эре креталын. Важык кумдык мланде верч икте-весе ўмбак савам нöлтеныт. Совет власть жапыште гына тудо келшен вашлийме вериш савырен. Тыште шудым солымо годым кажне ял калык шке усталыкым ончыкташ тыршен. Ўдыр-рвезе-влак кидыште сава модын. Нöргö шудо, чышт-чоشت шоктен, касалыкышвозын. Кён касалыкше лопкарак да арурак, тудо эн тале пащачылан шотлалтын. А кунам савам шумалташ шогалыныт, тунам калақ перкалыме йүк оркестрла торашке-торашке йонгген. Чыжик-чожик, чыжик-чожик икте изи йүк дene түнгалиын, взинг-взонг, взинг-взонг весе, кумшо ушнен. Олык паша йүк дene темын. Чыла ял калык ик жапыште канаттыймырым кырат, күслем шоктат, күштат, мурат, пуйто кажне ял ўдыр-рвезе-влак мөгай тале улмыштым түрүс ончыктынешт.

Ик тыгай кечын Вачий Ямбашан олыкеш Найокым вашлийын.

— Савам нүшкемын, солалтен пу,— ўдыр мутым луктын. Рвезе савам налын, вискален ончен, тёрлен. Вара «Сава нерет комдык каен, сандене ок пүч» пелештен да Найок ўмбак шыман ончалын. Ынде ўдыр шонанып гай чеверген. Вачий ала-мом ойлынеже улмаш, но түнгмө гай шып шоген.

— Вачий, чолгалыкет күш йомын?— воктөч эртүштө ик ўдырын мутешыже помыжалтме гай лийын да ушыш толын пурыш шомакым луктын:

— Шүдö мут темын, сандене шып лийна.

— Туте гын веле,— саде ўдыр чоян шинчам пёал эртөн.

— Надя, молан уремыш от лек?— Вачий ўдырын шинчашкыже тура ончен.

— Жап уке.

— А таче?

Найок, мутым лукде, вуйым гына савалтен. А савалтен туге, пуйто тиде йодышым эре вучен.

Кас вашлиймаш омо дечат тамле лийын. Ял мучко пеш писын манеш-манеш шарлен. Изиже-кугужо иктымак веле ойлен: «Вачий Найок дene таным куча». Тиде мутланымаш эркын-эркын поро мучашык лишемын, но Чопи күгиза тудым каргаш вашкен. Тудо Вачий мөйттүштө уке годым кутырен шинчаш пурен. Мут почеш мутым луктын, вара Найок нерген ойлен:

— Тый, Йыван тан, шке палет: күзе ойлет, туге лиеш. Мыйын шомакем кайгаш семын веле. Эргич суртдымо, печыйдиме ўдыр дene келша. Тиде шот огыл. Аваж дene пырля түнä мучко перныл коштын күзышо огыл, пöлеклаш нимогай вургем-погыжат уке. Тиде вара юмын пүрэмө мо? Йоча вуй дene ўңылышым ыштен кудалта, вара ўмыр мучко öкнинаш түнгалиш. Кынервуй тыштак да пурлаш ок лий.

Йыван тошто ўюла шўлыш дene илен, сандене Чопи күгизан ойлымыж дene түрүс келшен, Овдоch ватыжымат шке векыже савырен. Тылеч вара аваже Вачий дene ятыр гана шинчаваш ончен кутырен, эргижым Найок дene вашлиймыхлан вурсен. Йоратымашлан шке ача-ава чаракым шындаш түнгалиныт. Вачий пален огыл: кё түге ажгындарен коден. Ялыште адаж манеш-манеш шарлен. Найок уремыш лекмым чарнен, кастене, гармонь йүкүм колын, күнчылажым ондалын, шып шортын. Тудат ен ойым колыштын. «Суртан-печан качылан марлан лекташ итат шоно. Умыр мучко ўмбал вургемет дene толын пуренат манын, шылталаш түнгалиш»,— ойленыт тудлан.

Вачийлан ынде туге чучеш, пуйто йоратымашыже чолга шўдырла волталте да ала-кушко торлыш. Шуко годым туге лиеш: икте-весе деченгим кунар чот ойыраш тöчтөт, нуну тунар лишемит веле. Шўм шиж-

маш дene чак улт гынат, ынде тылзе наре¹ ваш ужын огытыл. Найок ег деч кораң коштеш, нигөн шинчаш ынеж перне. Но мланде йымач пудешталт лекше тул лапаш гай шоқшо йөратьымашым пүялаш лиещ мо?

Ача-ава эргыштым эше ючалан шотленыт, а тудо проммастер ик-иляш курсышто тунемын, кок ий промколхозышто пашам ыштен, шукерте оғыл шке колхозыштыжо бригадирлан шогалтеныт. Кум ий ончыч, 1933 ийыште, латшым иляш рвезе икана мөнгө толын да каласен:

— Ачий, авий, вуеш ида нал, чыландам колхозыш пуртенам.

Ешыште шургымаш түггалын. Чимок Иыван йорлын илен гынат, колхозыш пураш лўдын. «Тушко пурет гын, антихристыш савырнет, тамыкыш логалат», — лўдыхтышат лийын. Ик шот дene, Иыванын шўмжё колхозыш пураш ўжын, вес шот дene, шонымашыжым тўрлө манеш-манеш аяртен. Поро егым чын ильш деч ёрдыжжо шўжен. Кенета эрге, вуеш шушо Вачий, кокыте шонымашлан мучашым ыштен.

Чыла тиде эртен. Колхозыш пуртмыжлан ача шке эргыжлан ала-мынгар гана шке ушыж дene таум ыштен, но йўкын каласен оғыл. Ынде шонго-влакын чоным угыч тошто койыш пудыратылаш тўнгалын. «Кузе туте? Ала-могай техничкын ўдиржё? Тыгай качылан уланрак ўдират толеш», — тыге шоненит ача ден ава.

Кенета шучко лийын каен: Вачий больнициш логалын. Увер писын шарлен, Найок декат шуын. Тудыжо ынде моткоч ойган коштын. А лийын теве мо.

...Вачийын эн кугу йолташыже — Опай. Йоча годсо желшымаш кугу лийме семын пэнгыдемын веле. Опаят Вачи деч посна пуйто ик йолтошкалтышымат. ыштен оғыл. Икана Вачий ден Опай колхозлан чодыра лукташ каенит. Тапи лукым, кореман делянкым эртенит. Вачий чодыра лўшкымым колыштын. Кажне пушентыште гаяк могай-гынат кайык чогыматен, шўшпык шўшикен, куку мурен, ўжўвўр кычкырен.

Опайын кычкыме имне моткоч виян. Сапым шекланен веле шупшылат, мардежла тарвана, орышыла ончыко вашка. Опай кок кугу пырням ончыл орва шўдышыш кылден гына шуктыш, имне тарваныш. Пушенге пелен пызырнаш оғыл манын, рвезе корантнеже ыле, йыдалан йол укшеш пижин. Йёралт кайыш. Пырня йымач вес магырышыла пёрдин лекнеже ыле, ик йырым савыренат шуктыш — шудо кокласе пундыш мешайыш. Кынелнеже — ок лий, а кок пырня пуйто вуйым лаштырташ лишемеш. Ты жапыште Вачий волгенче гай толын лекте да шугыньо дene кок пырня коклаш шунгалте. Опай чылажым умыленат ыш шукто: пырнявлак эркын торлышт да вуй воктечак мланым корен кайышт.

— Теве-теве каварем вет, керемет,— йўкым лукто да тўғын шогале: тораште оғыл ушым йомдарыше Вачий кия.

— Вачий, Вачий, мо лийыч?

Опай эше пален оғыл: йолташыжым утараш пурышо Вачий пырня коклашке шкежат шунгалтын да мочыла семын туржалт лектын, ятыр ёрдыжлужым пудыртен.

Вачий больнициште шучко киен оғыл, рвезе калтше писын паремын.

Мёнгыш толмеке, вик Опай деке ошкылын. Пален: йолташыже ятыр кече ўмылла коштеш, Вачий туткарыш логалмылан тудо шкенжым титакла...

— Тый мо меж кочшо шорыкла коят? — Вачий Опайым ваче гыч тўкалтен.

— Сай ыш лек.

— Тутеже мый ораде улам, садлан пырня коклаш тёрштенам?

— Мом ойлет? Тыланет пеш кугу тау.

— Йора, тидын нерген тегак огына мутлане. Найок нерген нимом колын отыл? Кузе ильштеш?

— Сусыргымет нерген колмеке, пешак шўлыкан коштеш, чот ой-

гыра, очыни. Ёрам веле: коктынат изи йоча гай улыда. Вачий, күшто чулымлыкет?

— Тыгай годым тудо ок полшо.
— Ала мый мутланем?
→ Мый шке..

Вачий Найок дene вашлияш амалым кычалын. Икана кастене урэмш лектын, онча: тораштат оғыл йытыран чийше ўдыр ошкылеш. Найок вет? Тунамак пуйто ала-кө шўмжым вер гыч тарватен колтен: тудо лектын вочашла кўлтка. «Найок»,— пелештынеже ыле, но йўш лек. Ўдыр нимом шижде ошкеда, почешыже — рвезе. Теве тудо ўдырым вуй гыч тўнгалын йол марте ончен волыш. Арам оғыл ойлат: «Найок эн йытыран йолым пидеш, бўрден лукмила веле қоеш».

Ўдыр ала-мом шиже. Шенгеч перыме деч аралалтыла, кенета шогале, вара эркын. Вачий вельши савырныш.

Кок шўм ик семын кырен. Нигё нимом ойлен оғыл, коктынат икте-весым умыленыт: нужно тиде йўратымаш деч нигуш шылын оғыт жерти. Кеч-могай йўштё лийже, тудо ок кылме, кеч-могай шоқшо лийже — ок леве; вўдешат ок шуло, тулешат ок йўлёт. Ала-кушко торашке каен йомишо пиал кенета тунар лишеме, пуйто сескемалтше ойынишо дene кок енгым трук соқырым ыштыши: нужно икте-весышт деч моло ниғом оғыт уж. Тыгай йўратымаш верч ильшымат от чамане. Тидым мыйят, очеркын авторжо, чон денак шижам.

— Найок, Надя,— шыман ойлен Вачий.

Ўдыр гына, чевер пеледышла койын, тарайла йошкарген. Тудо пеш шуко ойлынеже, но логарыш комыля толын. Ятыр жап шым шогымеке веле йўким луктын сенъиш:

— Вачий, пошкудо-влак ончат.

— Тек ончат, садақ тый мыйян ўмыр пелашем лият. Тугай сўяном ыштена...

— А ачат? Ават?

— Нунын щўмштым Чопи кутыза гай енг-влак пудыратылъит. Такше уда оғытыл.

— Уда лиййт гын, тыгай качым ончен күштат ыле мо?

— Тугеже келшет?

Найокын щўмжё лектын вочашла кырен. Тиде жапым ўдыр ятыр вучен гынат, шонымжым каласаш вожылын. Оғым манашат тоштын оғыл.

— Авам деч йод,— туге шып пелештён, пуйто эртен кайше ен деч лўдын.

— А тый шкеже?— Вачий чакнен оғыл.

Тидымат ст умыло мо маншыла, ўдыр шым шоген.

А вара — сўян, пиалан еш ильши. Тунам веле шукинжо умыленыт: Иыван Вачий ялыште эн мотор ўдырым солалтен. Ик ий гыч Найок марийжылан эргым пёлеклэн. Тудлан Юрий лўумым пуэнит. Эше кок ий гыч... шучко сар тўнгалын. Пёръенг-влак, шочмо ялым коден, элым аралаш каенит.

Урем тич калык. Ўдымаш-влак мўғырен шортынит, ача-ава-влак щочшыштым, ватыштым лыпландарашиб тёченыт, но нимо полшен оғыл. Калык деч ёрдыжтё шонгго ўдымаш, Вачийин аваже, шоген. Тудо ок шорт. Кошкышо кидше дene укшан тоям кучен шогалын. Кё пала: ала чоныштыжо тул мўғырен йўла?

Вачий моло дene пирля военкоматыш вашкен. Тудым салтакыш налын оғытыл: «Пашма йолан улат»,— манынит. Но чулым пёръен тыгай шыгыр жапыште мёнгыштё шинчен туркен мо?

— Кеч-кушко налза, йўрдымыш гына ида лук,— ойлен тудо.

Налынит трудармийш. Вачий йўдшё-кечыже заводышто пашам ыштен, ватыжат мёнгыштё шинчен туркен оғыл. Тудат трудармийш каен. Юл сер воктене окопым, траншейям кўнчен. Яра улмыж годым, соқыр лампе воктеке шинчын, йўратыме марийжылан серышым возен.

1941 ий, декабрь. Игече йүштö. Окопым күнчаш моткоч неле. Енгвлак кылмыше мланде йынак күнчен пурат, туннель семын рожым ыштат, тыге паша ушна. Икана ик тыгай туннель сүмьрлен.

— Күшто Соловьев?

— Тушан кодын, лектын ыш шукто,— икте шортмо йöре ойлен.

Енгвлак, кылме мланым чара кид дene корандыл, Найокым кычалыныт.

— Надежда, Надя!— тудым лукмеке, юлташыже-влак кычкыреный, но арам.

Самырык ўдырамашын подвигше нерген тунам шоналтен оғытыл, пүтүнин эл тушман ваштареш крэдальме годым тиде шинчаш пернен оғыл. А шоналташ гын? Кок ияш Юрий эргијым коден, самырык ава трудармийш каен, ўйдшö-кечыже пашам ыштен. Тунам тудо, чыла монден, икте нерген веле шонен: күнчаш, күнчаш, күнчаш! Тушман ты вынем гоч өнчен ынже керт.

Надежда Антоновна Соловьевам шочмо күндемешүже тоеныт. Пытартыш кольмо шем рокым шүгар ўмбак кудалтымек, ял калык мёнгган-мёнгыш ошкылын, лач Вачий гына ты верым коден каен кертын оғыл. Логарыш комыля толын, шўымын кугу ойго ишен, ушышто эре икте веле пöрдүн: «Найок, Надя, Надежда!..»

Вара адак военкомат. Йындыже тудым действующий армийш налlyт. Корныш йүштö телым, январь тылзыште, лектын. Кредалын Калининский фронтышто. Связист Соловьевым тыште шукин паленыт. Лийин түрлүжат. Ик тале крэдальмаш годым кенета кыл йомын.

— Соловьев, связым тёрлө!— командир күштен.

Йырваш пуля-влак шўшкенит, снаряд-влак пудештылыныт, а Вачий нимомат шотыш ок нал. Тудлан заданийм шуктыман, связым тергыман. Тудо я куржеш, я нушкеш. Рўмбалгаш түнгалин. Ончылно изи чашкер. Тудын вошт эртыман, шекланаш кўлеш. Южгунам фашист разведка лўмын связым кўрлеш, тергаш толшым йылмылан руалта.

Чашкерыш пуримо годым воктенак укш пудыргымо йўқ шырт-шорт шоктен. Вачий лап лийин. Пурла могырым кок фриц лектын. Нунылан автомат очередь ситең. Но связист умылен: тудым илышым налинейт. Тунамак кугу пундыш шентек шунгталтын, писын йырваш ончалын, тушман күшто улым пален налын.

«Кузе лияш?— ушышто пöрдүн.— Чакнаш? А заданийм кё шукта? Нуно шукин улут гын? Ну мо? Кок фашистым пыштенам, молынат йоқмам сита!»

Кенета автомат гыч лўйымо йўқ южым күшкедын, пуля-влак пылыш воктепчак шўшкён эртенит. «Очыни, шкет кодын»,— шоналтен Вачий. Икте-весе могырыш ятыр тулым пўргымеке, шыпланенит. Вачийин дискиште патрон пытен. Теве, кок могырыш ончыштын, пушенг-те шойич кугу капан фриц лектын. Тудо семинже ала-мом күктештын. Вачий вельиш ласкан ошкылын. Очыни, совет салтакым кольшилан шотлен. Но чолга связист пружина семын чымалташ ямдыйлайт возын, кидшым эркын кем шулуыш дек намиен. Немыч лишем шумо годым, шурманшила тёрштен, тушман оғыш кинжалым керин. Тыгодым вес фриц койын. Лўдын куржышла, автомат гыч лўен шуктен. Вачийим сусыртен. Но совет салтак йёрлын оғыл, эмганыше верым пидын, связым тўрыс терген, кўралтшо верым ушен.

Госпитальыште эмлалтмеке, шке частыш пöртилын. Индешымше гвардейский стрелковый дивизий тудлан шочмо еш гай лийин. Сибирь гыч толло ты дивизий шке жапыштыже Москва воктене тушманым кырен. Истрицкий направленийште тудо тушманын латкок тўжем утла салташым пытарен. Москва воктене патырлыким ончыктымыжлан 1941 ий 27 ноябрьыште Верховный Главнокомандованийин Ставкыже ты дивизийлан гвардейский лўумым пузен.

1943 ий, август. Курский дугаште тушманым кырен чактарыме деч вара Верховный Главнокомандованийин Ставкыже Западный ден Ка-

лининский фронтын наступленийжылан поснак куту верым ойрен. Тидыже тушманым элнан столицых деч эшеат умбакырак поктен колташ, Брянский ден Центральный фронт-влақлан Орел ола деч касвелнат тушманым түрыс кырен шалаташ йöным ыштен.

Латкумшо августышто Духовщина ола деч эрвлене шогышо Калининский фронт наступленийм түңгалын. Вер чодыран да куптан лийын, тушман кажне метр младде верч орышила кредалын. Индеш кече жапыште Западный ден Калининский фронт-влақ улыжат нылле менгым ончыко каен кертыныт. Фашист-влақ изи ялымат пеңгыде крепость гайыш савыреныт. Шонымышт дene нуно тышеч Москва веке у наступленийм түңгалнешт улмаш, но совет воин-влақ тушманын эн пеңгыде укрепленийжым шырпын шалатылыныт да кечин ончыко каенит. Тыгай тале кредалмаш годым Василий Иванович Соловьевын служитлыме подразделений Духовщина ола воктенак лийын.

1943 ий, 31 август. Кок дзотым пудештарымеке, кумшо гыч фашист-влақ тулым почыныт, совет салтак-влақ ўмбаке колымашым пүргенит. Тунам Василий Иванович Соловьев, йоча годсо семын жидым шаралтен, тörштен кынелын да дзот дек куржын, онгжо дene амбразурым петрен.

Ик эрдене почтальон Вачийын аважжалан серышым конден. Ава ончалын да брын: «Эргым тыгай кагазеш ок возо ылъыс», — шоналтен.

Письмаште рушла тыге серыме улмаш: «Москва, Кремль. Петрова Евдокия Петровна! Пагалыме Евдокия Петровна! Тендан эргыда гвардий красноармеец Соловьев Василий Иванович Совет элна верч илышыжым пуэн. Немецкий захватчик-влақ ваштареш кредалмаште геройло подвигшым СССР Верховный Совет күкшын аклен да эргylanда Совет Союз Герой лўумым пуэн...»

Аван шинчаште шыри-вури койын. Эрге, йöратыме эрге тегак уке. Сар шешкым налын, сар гыч эрге ок пöртыл...

Морко район. Изи Корамаас ял. Ик пöрт тураште ладыра күэн парчаже мардеж дene выжгыкта. Тудын воктеч кажне эрдене Вачий ден Найок пашаш вашкенит. Тачат тиде күэ ял калыкым пашаш ужата. Коклаштышт лач Вачий, Найок да эше ятыр ен ок кой.

Но илыш ик верыште ок шого. Таче Надежда ден Василий Соловьевмытын Юрий эргышт да шым уныкашт ача-ава корным тошкат, кундемнан чапшым пашашт дene нöлтат. Чавайн лўумеш колхозышто уло вес Василий Соловьев. Тудо — уста механизатор. Кочажын лўумжым күшинё куча.

Кугу сар чарнымылан нылле ий наре эртен. Совет калык патыр шоччышыж-влақын подвигыштым курым-курымеш шарнаш түңгалеш.

Л. ЯНДАКОВ